



SAOPŠTENJE ZA JAVNOST

Određen pritvor osumnjičenom G.G. zbog osnovane sumnje u izvršenje krivičnog djela Lihvarstvo

(Brčko, 02.04.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH je odredio pritvor licu G.G. (34)* iz Brčko distrikta BiH, zbog postojanja osnovane sumnje da je izvršio krivično djelo - Lihvarstvo - iz člana 292. st. (3) u vezi sa st. (2) Krivičnog zakona Brčko distrikta BiH.

Osnovni sud Brčko distrikta BiH utvrdio je da su ispunjeni svi uslovi iz člana 132. stav 1. tačka b. i c. Krivičnog zakona Brčko distrikta BiH, pa je licu G.G. iz Brčkog odredio jednomjesečni pritvor zbog postojanja osnovane sumnje da je osumnjičeni počinio krivično djelo, da postoji osnovana bojazan da će ometati krivični postupak uticajem na svjedoke, kao i da postoje naročite okolnosti koje opravdavaju bojazan da će ponoviti krivično djelo, a za koje se može izreći kazna zatvora 3 godine ili teža kazna.

Podsjetimo, Policija Brčko distrikta BiH je, dana 25.03.2025.godine, pod nazdom Tužilaštva Brčko distrikta BiH uspješno sprovela akciju kodnog naziva „KEŠ” u okviru koje je izvršen pretres jednog lica, jednog putničkog motornog vozila, te stambenog objekata koje je koristilo lice G.G. (34)* iz Brčko distrikta BiH. U toku pretresa pronađeni su i privremeno oduzeti predmeti za koje postoji osnov sumnje da potiču iz pomenutog krivičnog djela, a radi se o novcu u iznosu od 321.825,00 KM i 4.850,00 EUR u različitim apoenima, sredstvima komunikacije i dokumentaciji koja se može dovesti u vezu s počinjenjem istog krivičnog djela.

U daljem toku postupka, Tužilaštvo će nastaviti poduzimati sve zakonom propisane istražne mjere i radnje u cilju rasvjetljavanja svih važnih okolnosti za ovo krivično djelo, te daljeg krivičnog procesuiranja odgovornog lica ili više njih.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**